

حقوقی بيلکيلر مجموعه سي

هر آي صوکنده نشر اولنور

وظیفه سیله استیناسی ایچون کافی برزمان ظرفنده مراقبک وظیفه سنده بولنش اولان B ایله I متباقی ضرر وزیانک دوتده اوچنک دیگر مراقبک D ایله C آنجق ۱۹۱۹ ده انتخاب ایدلکلرندن مقدار متباقینک تأدیه سنه محکوم ایدلشددر. شوقادارک D ایله C متباقی دوتده برک تأدیه سنه بوجه مناصفه محکوم ایدله یوب D یی مراقبک مجلسنه منتظماً دوام ایتدیکی C ایسه دوام سزلنی ایله علاقه سزلنی کوستردیکی ایچون (محکمه بونی برخط اوله رق قبول ایله برابر) D یی C یه نظراً ده افضله مقدار ضرر وزیان ایله محکوم ایتکده در. دیگر طرفدن بر مراقبک اصلا قصوری اولمادینی ثابت ایسه ومثلاً مراقبک مجلسنک اتخاذ ایتدیکی یا کلش قرارده مخالف قاله رق نقطه نظرینی آیری برراپورله مجلسه بیلدیرمش وحقی معذرتنه بناءً وظیفه سنه دوام ایدمه مش ایسه کندیسنه ضرر وزیانک هیچ برمقدارینی تحمیل قابل اوله ماز. وحقی تجارت قانوننک ۵۳۳نجی ماده سنه قیاساً مسئولیت متسلسله یه ده تابع اولماق لازمدر.

۹ — بیان حاجت یوقدرکه مراقبک مسئولیتی، مجلس اداره یی مسئولیتدن قورنارماز. بو حالد بورجلر قانوننک ۵۱نجی ماده سنه توفیقاً کرک شرکا، کرک اوچنجی شخصلره قارشو مجلس اداره ایله مراقبک متسلسلاً مسئول اولور. بو حالد مراقبک تأدیه سنه محکوم ایدلکلری ضرر وزیان ایله غیر مشروع معامله سیله، حرکتیه مسب اولان، ضرری ایقاع ایدن مدیران شرکته مراجعت ایده بیلیرلر.

حقوق فاکولته سی مدرسلرندن

مصطفی رشید

مقود اداره

قضای اداری کیمه عائد اولمالیدر

II

تفریق قوا

نهن آمریقا، انکلتره و بلجیقاده تعقیب ایدیلن اصوله مغایر اوله رق فرانسه ده قضای عدلیدن بوس بتون آیری بر قضای اداری موجوددر؟ بو، تفریق قوا بره نسینه یا کلش معنا عطف ایدلدیکندندر.

اختلال كيرك تملنی تشكيل ایدن ۲۶ آغستوس ۱۷۸۹ تاریخی حقوق بشر بیاننامه سنك ۱۶ نجی ماده سنده «حقوقك مؤمن بولونمادینی وقوانك تفریق موضح اولمادینی بر جمعیت تشکیلات اساسیه دن محروم دیمکدر» ده نیور. احوالده تفریق قوا قاعده سنه کوره اداره مأمورینی حکم ایتمکدن وحاکی ادارهیه مداخله دن منع ایتك ایجاب ایدیور ایدی. اختلال کیر بومتقابل وذوالوجهین تفریق اصولنی قبول ایتدیمی ؟

او وقتلرده پارلامنتو اسمنی طاشیان اسکی محکمهلرک اداره سابقه زماننده جهت ادارهیه طاشقینجه سنه مداخلاتی خاطرلرده ایدی ؛ بو اسکی محکمهلر افراد ایله اداره آراسنده متحدث دعوالری محاکمه ایله اکتفا ایتمه یوب ولایاتك والی رولنی اویسایان نه تاندانلرینی حضور محکمیه جلب ایله معاملاتی تنقید واستقبالده خط حرکتلرینی بیله تغییر ایدمک عادتاً اجرا آتی ابطال ویا تعدیل ایدن مافوق بر مقام کبی حرکت ایتمکده وآچیقدن آچینه وظیفه ادارهیه بی درعهده ایله مکده ایدیلر. بو محاکمک بوطور وحرکتلری اداره نك منتظم ومعقول بر شکلده یورومسنه مانع تشکیل ایدیور ایدی. بوسیستمک طبیعی نتیجه سی ده اداره ماکنه سنك فلجه اوغراماسی اولوب اختلال کیر رجلری بوندن فضله ضرر کورمشلر وبحواله هر صورتله بر نهایت ویرمک آرزوسنی بسله مشلردر.

بو مقصدی تأمین ایچون برچوق قانونی ماده لر تدوین ایدلدی. اولاً ۱۶/۲۴ آغستوس ۱۷۹۰ تاریخی تشکیلات عدلیه قانونك ایکنجی بابنك ۱۳ نجی ماده سنده «وظائف عدلیه وظائف ادارهیه دن آیری اولوب دائماً آیری قاله جقدر. حاکملر، اداره هیئاتلرینك معاملاتی هیچ بر صورتله تشویش ایتمه یجکلر و وظیفه لرندن ناشی اداره مأمورلرینی حضور محکمیه جلب ایدمه یجکلردر. عکس تقدیرده آغیر جزایه Sons peine de forfaiture معروض قاله جقدر» ده نیور. ۱۷۹۱ سنه تشکیلات اساسیه قانونك اوچنجی بابنك بشنجی فصلك اوچنجی ماده سی ده عینی فکری تأیید ایدیور ایدی. «محاکم قوه تشریعیه نك اجرا آته مداخله و وظیفه لرندن ناشی مأمورین ادارهیه حضور محکمیه جلبه صلاحیتدار دکدرلر» قونوانسیون مجلسیه ده بالذات رؤیت و محاکمه ایتدیکی بر مسئله ده عینی افکار واساسلری «اجراآت ادارهیه مداخله دن حکامک ممنوع اولدینی کراراً بیان وعکس حرکتك موجب جزا اوله جنی علاوه اولتور» سوزلریله تأیید ایله مشدر. بوسورتله اسکیدنبرو محاکمک ادارهیه تجاوزاته سد چکمک اوزره پک

مافلانہ ومدبرانہ تدابیر اتحاد ایدلش وبویله جه قوہ اجرائیہ ایلہ قوہ عدلیہ نك تفریق صلاحیاتی اساسی، برجهندن، لایقله تأمین ایدلشدی.

فقط بوتفریق امنیه سی ایکنجی نقطه نظر دن یعنی اداره نك عدلیه مداخله سنی منع ایدہ جك جهندن نه صورتله تأمین ایدیلہ جکدی؟ اوزمانکی قوانین اساسیه کوره وظیفه عدلیه بوس بتون آیری ومستقل بر موقعه اصعاد ایدلش اولماسنه نظراً قضای عدلیه بتون صلاحیاتنك استعمالی حق ویرمك ایجاب ایتزمی ایدی؟ چونکه، ماهیتلری اعتباریله یکدیگرندن آیری اولان وظائفك تفریق صلاحیاتی نه درجه لازم ایسه هر وظیفه یی درعهده ایدن عضوینك او وظیفه نك ایجاب ایتدیکی بوتون حقوق وصلاحیاتی استعمال ایتمه مآذون قلناسی ده او درجه واجبدر، «تفریق قوا» پرنسپینك حقیقی معناسی بونی ایجاب ایتدیر مکدهدر. بردولته، ایکی قوہ اجرائیه نك، ایکی قوہ تشریعه نك وجودینه فصل مساع ویریلہ مزسه ایکی قوہ عدلیه نك موجودیتده جواز ویریلہ مز. بوتون حق تشریع قوہ تشریعه یه، بوتون صلاحیت اداریه قوہ اجرائیه یه وصلاحیت قضائیه تماماً قوہ عدلیه یه بخش وحصص ایدیلیدر. بواسسه کوره اداره یه تعلق ایدن دعاوینك رؤیتی کیمه حواله ایدیلہ جکدی؟ محاکم نظامیه نك استلزام ایتدیکی مصارفك کثرتی وحل دعاوی ایچون سورن مدنك اوزونلغنی کوز اوکنده طوتان قانون اساسی انجمنی دعاوی اداره ایچون محاکم مخصوصه تشکیلی تکلیف ایتس ایدی. یازیلان لایحهده توضیح ایدلدیکی وجهله کرک ویرکودن کرکسه اداره دن منبعث اختلافانه متدائر دعاوی یی قوانین مخصوصه وبراصول معین دائره مننده فصل ورؤیت ایتمهکله موظف اولهرق هرولایتده بر محکمه اداره یه بولنه جق ایدی. بولایحه رد ایدلدی؟ زیرا، اختلال زماننده مملکت سکسان اوچ ولایت منقسم ایدی؛ اوحالده بوتون فرانسه نك حکام ایلہ دولاجنی وسکسان اوچ یکی محکمه نك استلزام ایدہ جکی مصارف حسبله ویرکولرک آغیرلاشه جنی طبیعی ایدی. بو تکلیف رد ایدلدکن صوکره اورتهده یکدیگرینه معارض ایکی پروژه قالدوردی: یا محاکم نظامیه نك یاخود بالذات اداره نك صلاحیتی قبول ایتمک. دوفینه ولایتی مبعوثلرندن شابرده سه بوکبی اداری دعاوینك رؤیتی دخی محاکم نظامیه یه تودیعنی تکلیف صورتیله حقیقی تفریق قوا پرنسپینی مدافعه ایلہ مشدی. هر دعوانك، ماهیتی نه اولورسه اولسون، هیچ بر صورتله حاکم اوله مایان اداره نك صلاحیتی خارجنده برافق احتیاجنی پك کوزل

مدافعه ایله مش ایدی. فقط اولجه محکمه رولنی اوینایان اسکی ولایات پارلامنتورک اداری ایشلره طاشقییجه مداخله لرینک خاطره سی حالا فکرلرده باقی ایدی و محاکم بو نقطه نظر دن شبه آلتنده ایدیلر؛ بناءً علیه اداره یی، محاکم نفوذی آلتنه قومق قورقوسی مسئله یی مخالف بر صورت حله سوق ایتدی و اداره یه عائد اختلافاتک حلی ینه اداره یه ترک ایتک صورتیله اداره یی کندی دعوالرنده حاکم قلمشدر. ۱۷۸۹ دن یعنی اختلال کیردن اولکی شکله کوره آرتق حاکم اداره ایشلری ایله اوغراشایور، فقط بوکا مقابل اداری مأمور کندی امور اداره سنه متعلق دعواسنده حاکم موقعنه اصعاد ایدیلور ایدی. بوسورتله قوه اجراییه و قوه عدلیه نک تقریقی بره نسپی بک وخیم صورتده آیاقلر آلتنه آلیوردی.

وخامتک دها بویوکی محاکمی اداری مسأله مداخله دن منع ایدن ۲۴/۱۶ اگستوس ۱۷۹۰ (فصل ۲، ماده ۱۳) و ۱۷۹۱ و ۱۷۹۵ قانونلرینه تطبیقانده ویریلن کهنیش تفسیردر. مذکور قوانینک حالا باقی ومرعی اولدینی فکری غالب اولقله حال حاضرده قوانین مذکوره فرانسه نک ناظم حقوق اداره O.Ad. Sanctionnateur سنک تممل طاشقی تشکیل ایدر؛ بو قانونلرک حقیقی معناسی نه ایدی؟ و کرک عملی جهتدن کرکه مؤلفینک تدقیقانده نصل آکلاشلمشدر؟

ایلک نظرده بوقوانینک ذوالوجهین اوله رق قوه اجراییه و قوه عدلیه یی یکدیگرکندن آییرمق مقصدینی تعقیب ایله دکلیرنی یعنی یالکیز محاکمی اداره یه مداخله دن منع دکل اداری بی ده عدلیه یه مداخله دن منع ایله دیکی کوزه چارپار. بو قوانینده مندرج «وظائف عدلیه، وظائف اداره یه دن تماماً آیری اولوب دائماً آیری قاله جقدر» جمله سندن چیقاریله جق الک طبیعی معنا عینی صورتله اداره مأمورینک قضا ایله و حاکم اداره ایله اوغراشاسنی نمانعت ایتک دکلیدر؟ غایه بو ایکی قوتک عینی مقامده اجتماعنه مانع اولمق دکلی؟ وظائف عدلیه نک وظائف اداره یه دن آیری ومستقل اوله رق دوام ایده جکی ایچون مقابله وظائف اداره یه نک ده وظائف عدلیه دن آیری ومستقل اولماسی ایجاب ایتزمی؟ بو آیریلق یالکیز بر طرفدن اولمق اوزره تخیل ایدیله بیلیرمی و آیریلق مفهومنده تقابل مندیج دکلیدر؟ مع هذا اختلال کیر زماننده تدوین ایدلش اولان قوانینه و مندیج بولوندیغی منع مداخله معناسنه یاپیلان تفسیر بام باشقه در. محاکم متبادی اجتهادلرینه و مؤلفینک همان

اتفاقه یقین مطالعه لرینه کوره محاکم ادارهیه مداخله سنی منع ایدن قاعده اک اوزاق نتیجه لر قدر ایصال ایدیش و بونی یالکز اداره لهنه قبول ایدهرک کندیسند مندیج اولدینی مقابله مفهومی کلیاً اهام اولونمشدر . بو قاعده ، فرانسه ده ، یالکز اولجه پارلامنتورک یابدقیری وجهله محاکمی ادارهیه عائد معاملاتی ایفادن منع صورتند آکلاشیلما یوب دردست رؤیت بر دعوانک حلی مقصدیه اجراآت ادارهیه نک قانونیتی تقدیر و تفسیردن دخی ممنوع بولوندقیری صورتند آکلاشیلما قده در .

محاکم ادارهیه مداخله دن منعی کیفیتدن ، تطبیقاده قضای اداری خصوصند عدم صلاحیت تامه سی قاعده سی استخراج ایدیش و بوقاعده پک مهم ایکی نتیجه تولید ایتشدیر: بر طرفدن محاکم نظامیه اداری اختلافاته دائر بر مسئله مخصوصه حقنده اعطای حکم ایچون - بر متن صریح ایله موظف قیلنمادجه - رؤیت دعوان احتراز ایده جکدر و دیگر طرفدن ایکی فرد آواسند متحدث بر دعوی ائناسند حل اختلاف ایچون ادارهیه نک متخذ برقراریک قانونیتی آکلاشلمق ایجاب ایتسه محاکم بویه برقرار اداری بی نه تفسیر ایده بیلیر نده و اولویته قانونیتی تقدیر ایده بیلیرلر . بویه برحاکم حدوشند ، بواداری قرارک مقام عائدی طرفدن تفسیر و یا قانونیتی تعیین ایدیلنجهیه قدر محله دعوائی تعلیق ایتک مجبوریتنددر ؛ او حالده بر مسئله مستأخره حاصل اولویور و محاکم نظامیه نک صلاحیاتی بویه جه بر مدت تحدید ایدیلور .

ایشته اختلال کیر مدوناننده مندیج و محاکمی ادارهیه مداخله دن منع ایدن لزوم قانونی بر عصردن فضله بر مدندن برو کرک تطبیقاده کرکه آرای مؤلفینده معروض شکله تثبیت ایدیه گشدر . عادتاً شمیدیکی فرانسز اساسات ادارهیه سنک قیمت حقوقیه سنی تنقید ایتک جراتکارلق صایله بیلیر . مع هذا بزجه بو طرز مطالعه حقائق احواله قطعاً مبایدیر .

اول امرده ۱۷۹۰ و ۱۷۹۱ و ۱۷۹۵ سنه لری واضع قانونلری اسکی پارلامنتورک ادارهیه فضله مداخله سی یوزندن ارتکاب ایتدکلری سوی استعماللرک تکررینه مانع اولمقدن باشقه بر هدف تعقیب ایتیه یورلر !

ذاتاً موضوع بحث متلرده اسکی پارلامنتورک اداره مأمورلرینی محاکمه جلب ایتک و عادتاً اداره اموریه اشتغاله قالفیشمق کبی سوء استعماللرندن بحث ایدلمکده در . فقط

اداره ایله افراد آراسنده کی دعاوی بی رؤیت ایتمک و یا خود ایکی فرد آراسنده متکون بر دعوانک حلی ایچون بر قرار ادارینک معناسی تفسیر و یا قانونیتی تقدیر ایتمک ادارهیه مداخله دیمکمیدر ؟ اسکی پارلامنتولر یالکیز بونکله اکتفا ایتمزلردی . عادنا فعال اداره مأمورلری کبی حرکت ایدرلردی . اختلال شارعلری محذوری و یالکیز بو محذوری بر طرف ایتمکدن باشقه بر غایه تعقیب ایتمدیلر .

اساس نقطه سنده اتفاق آرا وارسه بو اساسک تطبیقانه کچیلدیکی آنده بو توافق افکار دوام ایتملی ایدی . اختلافات ادارهیه مک حلی خصوصنده محاکم عادیه مک عدم صلاحیتی قبول ایدلکدن صوکر و قانون بو نقطهده سناکت بولونمسنه نظرآ بو کی اختلافانک رؤیتی کیمه تودیع ایدلمیدر ؟ ایشته بویله بر حالده درکه حقوق عامه دن بولان محاکم اداری مسئله سی موضوع بحث اولور ! اختلاف دخی تام او وقت باشلایور . بعضیلری بو صلاحیتک مجالس ادارهیه ، بعضیلری ده ، ۱۸۸۱ سنه سنه قدر دوام ایدن اجتهاده کوره ، قوه اجرائیه ده کی وکیللره ، و دیگرلری ده شیمیدیکی اجتهادی تعقیب ایدلرک شورای دولته عائدیتی مدافعه ایتمدیلر . موضوع قاعده حقنده بو درجه اختلاف و تردد قاعده مک بذاته قیمتی حقنده شبهه ایتمک محلی بر اقامی ؟

فقط منطقاً دوشونورسه ک قبول ایدلش اولان اصول متون مختلفه مک تعیین ایتمدیکی قاعدهیه مخالفدر ؛ حقیقت شودرکه ، محاکم عدلیه اداری اختلافاتی رؤیتدن ممنوع اولماقدن ماعدا بو محاکم ، هر نوع اختلافاتی - اداری اولسون اولماسین - رؤیتیه صلاحیتداردر ؛ آنجق بعض دعاوی مک بر طاقم دوائر ادارهیه طرفندن حلی حقنده بر متن صریح و قطعی وارسه یالکیز او وقت بو دوائر استثنائی ماهیتی حائز محاکم قیلندن عد ایدیلرک معین اولان اختلافاتی رؤیت ابدیه یله جکدر . بو فکرک ایلمک تخمی قضای اداره لهنه تفسیر ایدیلن عینی قانونک ۱۶/۲۴ اگستوس ۱۷۹۰ ، فصل ۱۷۲ نجی ماده سنده مندرجدر ؛ « تشکیلات اساسیه جه معین دوائر عدلیه مک وظائفی هیچ بر صورتله اخلاص ایدلمیه جکی کبی افراد اهلی ، نه قومیسون مخصوصلره سوق ایدلمک ، نه ده قانونده معین اشکال خارجنده مقامات سائره بی صلاحیتدار قیلمق صورتیه طبیعی حاکمندن باشقه حاکم حضورنده محاکمه ایدلمیه جکدر . اکر عینی قانونک ۱۳ نجی ماده سنک مغلق افاده سیله بوتون قضای اداری محاکم عدلیه مک ید صلاحیتدن اخراج ایدلمک فکری موجود ایدیه بر آز

آشاعیده، اوچ ماده صوکر او ۱۷ نجی ماده ایله شارع کندی کنديسني تکذيب ايتش ديمکدر . او زمانکی شارعلرک ۱۳ نجی مادهیه بویله بر معنا عطف ايتمکلرينک اک بویوک دلیلی شودرکه او وقت اساساً عدلیه عائد بعض اختلافاتک ادارهجه حلی لزومی حاصل اولدقجه بونک ایچون بر قانون مخصوصک وجودینه احتیاج مس ايتشدرد . اکر ۱۳ نجی ماده ایله اداری قضا لهنه عمومی بر اساس وضع ایدلش ایسه هر بر حال ایچون نهدن صوکرادن بر قانون مخصوص تدوین لزومی کورولمشدر ؟

۱ حزیران ۱۸۲۸ تاریخی تعیین مرجع حقنده کی تعلیماتنامهک ۶ و ۹ نجی مادهلرندن بو نتیجه دها قولته استخراج ایدیلیر . بو متلره نظراً والی محکمه عدلیه ده دردست رؤیت اولان بر دعواتک جهت اداریه عائدیتته قرار اتخاذا ایتمکه وبو قرارینی محکمهیه تبلیغه مجبور وصلاحیتدار اولوب محکمه بلامناقشه بو قراره کوره دعوانی ، تعیین مرجع مقامندن صادر اوله جق قراره انتظاراً ، تعلیقه مجبور طوتولمدهدر ؛ ایشته والینک محکمهیه تبلیغ ایده جکی قرارنامه سنده موضوع بحث دعواتک محاکم نظامیه ده کل ادارهیه راجع اولدینی حقنده متن قانونی عیناً درجه مجبوردر . او حالده بویله بر متن صریح یوقسه محاکم نظامیهک صلاحیتی قبول ایتمک ایجاب ایتزمی ایدی ؟ تطبیقاند والی بویله بر قانونه استناد اولوبتله بر ماده قانونیهی عیناً نقل ایدمیدیکی وقت مارالد کر اغستوس ۱۷۹۰ تاریخی قانونک وظائف عدلیه وظائف اداریه دن آیری اولوب او آیری اوله رق قاله جقدر ، دهین ۱۳ نجی ماده سنده نقل ایتمکه اکتفا ایدیور ؛ حالبوکه اداره ایله اوغراشمقندن محاکمی منع ایدن متن قطعاً ادارهیه حکم ایتمک صلاحیتی ویرمه یور ؛ زیرا حکم ایتمک بشفه ، اداره ایتمک ینه باشقهدر .

مع هذا هر نصله بر عصر دن فضله در ، محاکمی اداری معاملاتنه مداخله دن منع ایدن بر قانونه استناداً دعاوی اداریه یی رؤیتدن محاکم منع ایدلمکدهدر ؛ بو عصرلق نظریه یه غلبه جالوق نه مشکلدرد ! اعتراف ایتمک لازم کلیورکه تطبیقاند قبول ایدیلن بوقاعده وحاکی اداره فعلیه دن منع ایدن حکمدن اداره مأمورینی حاکم قیلان نتیجه یی چیقاران بواصول فرانسه حقوق مثبتة droit positif سنک بر اساسی اولدیننی قبول ایتمک ایجاب ایدیور . فقط قبول ایدیله میه جک بر جهت واردر : محاکم عادیهک بوعدم صلاحیتی

حقننده درمیان ایدیلان مطالعات و کوسترین اسباب موجب قطعاً وارد دکلدر؛ زیرا، کرك مقررات محاکمه کرك آثار مؤلفینده اساساً قیمت حقوقیه سی پک ضعیف اولان بو حقوق مثبتہ D. positif قاعده سی، تشکیلات اساسیه نك تفریق قوا قاعده سیله قارشیدر لمقده و بو پرنسیپک نتیجه سی اولدیغی ادعا ایله مکده درلر. بو مطالعه بوس بتون یا ککشدرد. فرانسز حقوق اداره اصوللری یالکز قوه اجرائیه و قوه عدلیه نك تفریقندن بام باشقه برشی دکل، مادتا بو قاعده نك تام ضدی و مباينی در. قوه عدلیه دن طبیعی صلاحیات نك مهم بر قسمی آلمق حقوق اداره طرفندن، تفریق قوا پرنسیپنه اورولان بویوک بر ضربه در. حقوق اداره نك اصل وظیفه سی تشکیلات اساسیه قاعده لر نك تطبیق اولمائه نظراً بو طرز حرکتله تشکیلاتک روحه قارشى حرکت ایتش اولوبور. قوه عدلیه دن صلاحیتک بر قسمی رفع ایدوب اداره یه و یرمک، اداره مأمورینی حاکم قلمق، ادارى وظائفک عدلی وظائفدن آیری و مستقل قالماسی ایسته مک و الحاصل قوه اجرائیه طرفندن تفریق قوادن کنديسی ضعیفلا ده جق خصوصی ترکله کنديسی قوتلندیره جک جهتلری الده ایتک کبی طرفکیرانه بر صورتده حرکت ایتک دیمکدر. فرانسه حقوق اداره اساساتی قوه اجرائیه ایله قوه عدلیه نك آیری آیری قالماسی ایستین تفریق قوا نامی ایله قارشیدر لاملی، زیرا بو قاعده یی اخلال ایدیور! بناء علیه تفریق قوا تعبیرونک جناحه صیغنه رق کنديسی قبول ایتدیرمک قالقشمی موافق دکلدر؛ فرانسز ادارى مفهومى مدافعه ایچون ایکی نوع قضایک تفریقندن بحث ایدیور؛ فقط حقیقته شودر که فرانسه حقوق اداره سنده، اداره دولت عدلیه قارشو تماماً مستقلدرد.

بو طرز حرکت دوغرو اولمادی و بالعکس اداره نك ده عدلیه تبعی شکلک الک معقول بر شکل حل اولدیغی پک نظرده پک معقول عدلک لازمدر؛ فقط بوکا قارشى ده نیلدى که اداره نك عدلیه تبعی، عدلیه نك قوه اجرائیه اوزرینه فائیتنی مستلزم اولوب بویسه مساوات تامه یی ایجاب ایتدیرن تفریق قوا قاعده سنه مغایردرد. اگر مساواتک تأمینى ماده غیر ممکن ایسه یه اجرا قدرتک عدلیه فائق قالماسی ترجیح ایدیلر؛ یوقسه عدلیه نك مداخله سی سیبله خدمات عامه نك سکتیه اوغراماسدن قوزقولور، ده بورلر. بزه کوره الک دوغرو فکر بودکلدر. اداره یی عدلیه تابع طوتمق دیمک اداره مأمورینک

قانونه اطاعت ایتملرینی ایستهمکدن باشقه برشی دکلدر . ذاتاً اداره قوانینه رعایتله مکلف و محاکم قوانینه رعایت ایستد بر مکله مواظفدر . او حالده عدلیه به تابع اولدجه اداره دولتک غیر ممکن اولدیغنی ادعا ایتمک، قوانینه رعایت مجبوری موجود ایکن امکان اداره اولمادیغنی ایلری سورمک دیمکدر . برده کیمسه ادعا ایتمه مش وادعا ایده مز که محاکم قوانینی تطبیق ایتمکله قوه تشریعیه فائقدر، اجراءات اداره بی تفسیر حق محاکمه طایبق بولی طوتولورسه نهدن قوه اجراییه فائق عدلیدلین !

جاهیر متفهمده حکام تشکیلات اساسیه مفایر قانونلری رد ایتمک صلاحیتی حائزدر لر؛ بونکله حکامک قانون فوقده اولدقلمی آ کلاشیلیر؛ قطعاً اوله دکل؛ آ کلاشیلان شی شودر که تشکیلات اساسیه قانونی قوانین عادیه نک فوقده در؛ اکر فرانسه ده قوه عدلیه، دیگر بر حق مملکتلرده اولدیغی کبی، غیر قانونی اداری اجراءاتی رد ایتمک صلاحیتی حائز اولهیدی قوه عدلیه نک قوه اجراییه فائق اولدیغی معناسی چیقارمق می لازم کلیدی؛ خیر؛ یالکز قوانینک اداره به فائق اولدیغنی آ کلامق لازم کلیدی.

تفریق قوانی، عدلیه به مطلق صورتده بوتون حقوق و صلاحیاتک اسنعمالی مساعده ایتمک صورتیه تطبیق ایتمکده یالکز تأمین عدل نقطه سندن دکل سیاسی واجتماعی نقطه دن دخی اهمیت عظیمه بی حائز بر کیفیتدر . بو مطالعه هر طرفده طرفدار قازانیورسه حریته مشتاق هر ره ژیمده و یاشامق و تقیص ایتمک ایچون دائماً بر قیده frein . محتاج اولان هر ده موقراسیده لازم اولدیغنددر . اسکی بر امریقان مؤلفی هامیلتون Hamilton پک کوزل سوله دیکی کبی « قوه عدلیه نک نه قلنچ نده کیسه اوزرنده تأثیری واردر . نه قوای عمومی . نده ثروت عمومی به بر خط حرکت تعیین ایتمز و هیچ بر حرکتک تشبثی درعهده ایتمز . دهنیه بیلیر که قوه عدلیه نک نه قوتی ، نه اداردی واردر ؛ یالکز عقل سلیمی قوه محاکمه می واردر ؛ حکم ایدر ؛ بو دوغرودر ، دیر . دولتک اوچ قوتندن قوه عدلیه سی، افرادک حقوقی جرح و یا اضرار ایتمک خصوصنده الک آ ز قوتی حائز اولانی در . او حالده افراد ملتک حقوقی نقطه سندن الک آ ز مضر اولانیدر .

بارس حقوق فاکولته می حقوق اداره مدرسی